



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. P. Pavli Segneri E Societate Jesu, Qvadräginta  
Sermones**

**Segneri, Paolo**

**Antverpiae, 1695**

Sermo XXIV. Die Martis post quartam Dominicam. Docetur peccatorem non debere judicari secundum formam externam, cum numquam in illo vultus cordi respondere possit.

[urn:nbn:de:hbz:466:1-52734](https://nbn-resolving.org/urn:nbn:de:hbz:466:1-52734)

# SERMO VIGESIMUS QUARTUS.

DIE MARTIS POST QUARTAM DOMINICAM.

*Nolite iudicare secundum faciem, sed iustum iudicium iudicate. ioan. 7.*

I.  Amiliare aucupibus stratagema est, ut, cum aviculam rariorem capiunt, cavere includant, solerter eidem provideant, ut ibi contentissima vivat, alimentis abundet, puro sudoque aere gaudeat, exultet, & tripudiet, nec minus in carcere suaviter cantillet, quam libera solebat. Sed qua de causa id faciunt? an non enim avicularum vitæ insidiantur aucupes, an non illas, sclopis, omnique armorum genere insectantur, occidunt, & maximo numero jugulant? unde ergo huic soli tantum amoris exhibent? Nolite hoc mirari, Auditores; non est hic amor, sed dolus aucupum: id unum intendunt, ut plures alias alliciat, & in eisdem, quos ipsa induit, laqueos trahat, dum ceteræ vident, sociam in cavea suo indulgere genio & deliciis affluere, & sic plerumque accidunt, ut, dum ex innumeris aviculis una à cæde servatur, innumeræ aliæ ad lanienam destinantur. Simili artificio dæmon cum peccatoribus utitur, cuius unicum studium in co-

versatur, ut illis persuadeat, bene se lautèque in obsequio suo habituros, seque rerum ac voluptatum omnium copiâ abundaturos, unde non est, si nonnullis, quos magis sibi devotos & devinctiores habent, pessimus ille veterator suam prosperam, honorificos appretus, & popularis auræ gloriâ procuret, quâ olim Pharisei quærebant. Sed hic vel maxime habet Christi doctrina, nolite iudicare secundum faciem, sed iustum iudicium iudicate. Nolite decipi, ne decipi, Christiani, si peccatorum renam lætamque frontem expugnant, & nescio quam felicitatem ostentent; fallax est hæc speciemerè secundum faciem: sique unquam aliàs, hic maxime verum est, pro oculi, vultus persape mentiuntur. Si enim creditis, Phariseos, quos deo graphicè D. Joannes depingit eos fuisse intus, quales foris apparebant? foris videri poterant animosi, felices, ac sorte suâ contentissimi; intus invidiâ, & rabie rubecebant. Cur ergo fidem incauti tam facilem dæmoni datis, qui lætus

bis faustosque dies promittit, si ejus vos obsequio mancipabitis? ô falsitatem? ô dolum! spernite hæc sibi, ridete illicia, vestram in perniciem & interitum intenta; ego interea, ut has vobis fraudes clarius detegam, hodie vobis demonstrabo, quod, licet aliud frænum non esset, nos à flagitiis continendi, sufficere debeat infelix & miserimus status, in quo peccatoris animus versatur: aures benignas admovete, & videbitis.

II. Nemo ignorat, graves esse dolores, quos in partu puerperæ experiuntur; ubi tamen pepererint, & matres se vident, & prolis quidem masculæ, tanto solatio affluunt, ut omnium ærumnarum, quas in partu exantlarunt, obliviscantur: jam non meminit pressura propter gaudium. Nollem judicetis, parem esse sortem animæ peccatoris parturientis, sed omnino contrariam; tamen enim, si partus hora advenit, aliquem voluptatis sensum experiatur, tam grave tamen animi tormentum, tristitia ac dolor eam postea obruit, ut omnem solatii, quod prælesit, memoriam absorbeat: jam non meminit gaudii propter pressuram. Non mea, sed D. Chrylostomi est hæc cogitatio, cui totam, quam habeo, sacram eloquentiam debeo, & cui præ reliquis SS. Patribus me totum debere profiteor; audite, quid dicat: mulieribus ante partum labor est ingens, post partum verò relaxatio; verum hic non item, sed dum parturimus corruptos affectus, delectamur, gaudemusque, ceterum ubi fuerimus enixi malum illum pue-

rum peccatum, tum conspectâ faditate partus, discruciamur gravius, quam mulieres parturientes. Neque in ulla facillè alia veritate asserenda adeo consentiunt scriptores, quàm Christiani, quàm Ethnici, sacri juxta ac profani, quàm dum docent, non inveniri in mundo tormentum acerbius, reâ maleque affectâ conscientiam.

III. Grande tormentum, non negaverim, exilium est; Ovidius tamen illud animo malè sibi conscio postposuit: grande malum cæcitas; huic tamen ream conscientiam Orestes prætulit: Plautus celebris ille Comicus non horruit dicere; nihil est miserius, quàm animus hominis male conscius. Apprimè noverat Cicero, furias illas, quæ suo in theatris aspectu spectatores terrere solent, sulphureis facibus & anguibus horridæ, non nisi fabulas esse & commenta, verissimas tamen impiorum furias esse culpas ac scelera: hæ sunt impiis assidua domesticaque furia, quodque Cicero sapienter censuit significari horrificis nominibus, Alectus, Tisiphones & Megæra, id ipsum Poëtæ adumbrare voluerunt per vulturem præcordia Titii depascentem, & aquilas viscera Promethei lacerantem. Quid de Plutarcho, Seneca, & Platone dicam, morales Philosophiæ Magistris; quorum si monumenta evolvantur, patebit conspicuè, maximam peccantium pœnam illos judicasse ipsum peccatum: prima, & maxima peccantium est pœna, peccasse. Verum, ut ad Doctores, & sanctitate propria, & populorum reverentiâ conspicuos ve-

niamus, quid Divus Gregorius Papa  
*c. 7 in 7.* scripserit, auscultate: inter multipli-  
*Psal pa-* ces, inquit, anima tribulationes, &  
*nis.* innumerabiles afflictionum molestias,  
 nulla maior est, quam conscientia deli-  
 ctorum. Rursus: nulla poena gra-  
 vior est, malâ conscientiâ. Ilidorus:  
 nulla poena maior malâ conscientiâ,  
 Bernardus: qua poena gravior, quam  
 interioris vulnus conscientia? Ita pa-  
 riter Ambrosius testatur: sed quid  
 alienas auctoritates emendicare neces-  
 se est, cum Divina supertant oracu-  
 la, quæ graphicè atrocem impij sta-  
 tum depingunt, nunc in Adamo  
*Gen. 3.* vel auræ sibilum & umbram expa-  
 vescente, nunc in Caino ad quem-  
 vis folii motum trepidante, nunc  
*Gen. 3.* in Lamecho oculatum homicidium  
 sponte suâ confesso, cum tamen ne-  
*Gen. 4.* mo illi diem diceret, nec in iudicium  
*23.* lite motâ traheret, nec ullam illius  
 notitiam haberet. O miserum Da-  
 videm! qui fronte quondam intrep-  
 idâ coram Goliatho stetit, qui leo-  
 nes strangulavit, gulam uris elisit;  
 is, inquam, adulterio cum Bethabæa  
 patrato, in eam animi vilitatem reda-  
 ctus est, ut vel unum militem Uriam  
 timeret! Quid? exclamat Divus Chry-  
 sostomus, nonne tu Imperator es? nun-  
 quid exercitus ad nutus tuos habes  
 paratos? nunquid hastas & enses in-  
 torques? nonne gladii potestatem ha-  
 bes? quid ergo times, tamen illata  
 Uriæ injuria innotescat? hi nimirum  
 conscientia turbata, sollicita, & in-  
 quietâ inevitabiles effectus sunt: vi-  
*In Psal.* dete fratres, pergit sanctus, & admi-  
*20 Rom.* ramini, quantum mali sit delictis ob-  
*1.*

noxium fieri, Rex militem timet, &  
 formidat subditum. Sed quid dico?  
 infinita sunt in sacris litteris exempla  
 atrocis carnificinae, quam crimen in  
 corde peccantis exercet; hoc Saulis  
 furia, Achabi deliquia, Balthazaris ter-  
 mor demonstrant, illaque impiorum  
 anxietates, quas Jobus elegantissimè  
 descripsit: sonitus terroris in auribus  
 illius semper, & cum pax sit, ille sem-  
 per insidias suspicatur. Et o uriam  
 mihi liceret, longius in hoc argumen-  
 tum me effundere, enimverò hoc Jo-  
 bi effectum omnium gentium testimo-  
 nio & approbatione firmarem: Flac-  
 cum Ægypti Proconsulem, natus  
 Philo, cum ob delicta relegatus in Is-  
 sulam esset, adeo diris conscientia tur-  
 ris fuisse agitato, ut nemine per-  
 sequente, nocte intempestâ à lecto  
 exilicret, mox tremens & anxius in  
 apertam campi planitiem fugerit, &  
 defixis in cælum oculis clamavit: tes-  
 tio enimverò, Numen aliquod cœli  
 dominari; mox singillatim scelera sua  
 commemorans, heu, nimium quon-  
 tum scio, clamabat, atroces me illo-  
 rum pœnas daturum, scio, scio pe-  
 bene, horum facinorum poena me moneat,  
 scio, scio. Mox semimortuus in ter-  
 ram collapsus jactabat brachia, con-  
 cutiebat genua, totoque corpore tre-  
 pidabat, usque dum gelido sudore  
 diffuens, omnium sensuum deliquitum  
 pateretur. Theseus Thraciæ Rex,  
 & Papirius Senator Romanus, vio-  
 lentas sibi manus intulere, quia per-  
 ferendis exulceratâ conscientiae mo-  
 tibus impares fuerunt, quos illi ab-  
 ulterii, alteri verò commissi incertum  
 mem-

memoria excitabat, ut Pausanias & Plutarchus testantur. De Tiberio Imperatore indubitatum est, nec Romanæ urbis majestatem, nec Capræ insulæ delicias, nec silvarum umbras impedire potuisse, quin crebris singultibus, cordis impuri, omni solatio destituti, angustias testaretur: *Tiberium non fortuna, non solitudines protegebant*, ait Tacitus, *quin tormenta petiveris, suasque ipse penas fateretur*. Longum foret, horrenda somnia Theodorici, Constantii, Anastasii, & Domitiani commemorare: certe Imperator Pertinax, nunquam pascinas suas intueri poterat, quin videre in aquis sibi videretur umbram funestam, gestu feroci, vultuque truculento strictum sibi enses intentantem. Nero & Caligula noctes insomnes lymphatis, & fanaticis similes per amplissimos Palatiorum ambitus vagati, solem rogabant, ut discussis cælestibus tenebris ortum auroræ urgeret, Suetonio teste. De quodam Apollodoro recenset Plutarchus, eum aliquot noctibus somniasse, pellem sibi detrahi ac bullienti aheno se immergi, atque à suamet conscientia, velut domestico tortore sibi exprobrari: *ego tibi horum causa sum; ego conscientia tua te torqueo*.

IV. Hujus ergo veritatis tantam habentes impostam, ut ait Apostolus, *habemus testium*, vestrâ pace in hunc modum placet ratiocinari: si aliud frænum non foret, quod præcipitem in scelera animum retineat, an non sufficiat; scire, quòd tantæ peccantibus ærumnæ, tantaque animi lanic-

na immineat? Quæ non amentia, posse dormire suaviter, in lecto molli & floribus consperso, quo titulo D. Bernardus conscientiam innoxiam & innocentem compellat, *lectulus conspersus floribus bona conscientia est*, & tormenta equulei eligere? Eia, quid dicitis peccatores? quam excusationem tantæ fatuitatis prætenditis? an forsan lethagro laboratis, illorum more, qui, Jobo teste, spinis, & verpibus velut mollibus in plumis cubabant, & esse sub sensibus delicias computabant? Respondebitis, nî fallor, aliis quidem gravia videri animi tormenta, quæ ex peccato nascuntur, sed vos contrarium experiri, vos nihilominus cum gustu prandere, tranquillè dormire, hilariter conversari; nec homicidia, nec adulteria, nec incæstus unquam vos ita terruisse, ut mortem vobis optaretis, eorum exemplo, qui panico & muliebri metu percussî mortem sibi ipsis intulêre. Sed heu mihi, si vester hic sensus & serium responsum est, ne ego plurimum deceptus sum; credideram enim, eos me hodie alloqui; qui firmâ fide tenerent, esse DEUM, infernum & Paradisum, atque unius noxæ lethalis reum esse, idem esse, ac odio haberi à DEO, reum esse inferni, ac Paradisi extorrem. Hæc autem si creditis, an non omnis culpa gemitus vobis & ululatus exprimat; ciborum nauseam moveat, quietem turbet, & omnem humanæ conversationis amœnitatem velut infuso absinthio inficiat? hæc nimirum deploranda est animi vestri durities & insensibilitas, quam sacra Oracula infelici

*Gen. 45.* felici illi Esau attribuunt, cum accep-  
34. to lentis edulio, comedit, & bibit, &  
abiit, parvi pendens, quod primoge-  
nita vendidisset. Parvi pendens! ô  
cæcos & amentes! an non hoc ipsum  
vobis suspiria & lacrimas extorqueat,  
dum eò vos pertigisse videtis, ut ne  
sentiatis quidem mali vestri gravita-  
tem? vulnera, quæ non dolent, ut  
D. Augustinus ait, vel maximè fata-  
lia ac pestilentia sunt; febres, quæ  
sui sensum adimunt, sunt maximè  
malignæ; hæc est malacia omni tem-  
pestate periculosior, quam omni stu-  
dio fugiendam clamat Hieronymus?

*Epist. ad expedite rudentes, vela suspendite, tran-*  
*Heliodo-* *quillitas ista tempestas est. Verùm, pa-*  
*rum.* *ce vestrâ dixerim, ego non credo,*  
rem ita, ut dicitis, se habere, vosque  
post DEUM offensum tantam tran-

*Iob. 4. 5.* *quillitatem animi experiri: quis enim,*  
ut Jobus ait, *quis restitit ei, & pacem*  
*habuit?* Sed demus vos eam experiri;  
certè brevissimam illam fore, certò  
credite: tamdiu forsitan durabit, quam-  
diu juvenus viget, robustæ etiam-  
num sunt vires, & mortis vicinæ sus-  
picio vos nondum terret: cur au-  
tem severitatem Divini Judicii, &  
imminentia vobis supplicia non atten-  
ditis? Cùm fatalis paulatim hora im-  
minebat, ô quæ tunc erit differentia?  
tum enim verò non pungentissimus  
solum animi remorsus, modò aut  
sopitos, aut repressos sentietis, sed  
suis veluti solutas catenis furias expe-  
riemini, non secus ac tigrides, si  
ferrum & vincula: quibus teneban-  
tur, evadunt, multò truculentius sæ-

viunt, quàm cùm libertate suâ gra-  
derent.

V. Quid non sacrilegum ac ne-  
fandum Antiochus ille, cognomento  
Illustris, perpetravit? ut Machabæo-  
rum narrat historia. Potentissimo ex-  
ercitu Hierosolymam ingressus, ro-  
ctâ ad templum convolvit, & quib-  
quid ibi sacrosanctum erat, temerari-  
furto abstulit; nec altari aureo, nec  
candelabris eodem metallo fulis, nec  
reliquæ pretiosissimæ suppellectili pe-  
percit: inde immani strage civium  
ctâ, spoliatis domibus, expilato stu-  
rio publico, thesauros absconditos ob-  
peculatus, cùm urbis muros autem  
non posset, flammis illos in pabulum  
reliquit, & superstitem populum  
cultu DEI abstraxit, atrocibus in-  
terdictis posthac circumcidi vetuit,  
immundis victimis Dei sacrificia con-  
taminavit, festa legitima insano  
ritibus violavit, super ipsam sanctam  
aram Idolum abominandum erexit,  
cui certo tempore proprios immolavit  
filiòs & oppressas virgines præcepit,  
tandem ad omnem veri Dei memo-  
riam abolendam, sacros Codices ex-  
ussit, novamque legem intolerabilis  
audaciâ condidit, legem in monte Si-  
nai datam abolevit, abrogavit, exor-  
thoravit. Et tamen legimus, hæc  
gravissimorum scelerum colluctum  
septem integris, quibus supervixit  
annis, nullam animo ejus inquietudi-  
nem, aut remorsum peperisse, sed la-  
tum semper & gloriosum, factumque  
immenso tumentum, eò arrogantia  
pervenisse, ut, sicut scriptura loquitur,  
exijit

existimaret, se pra superbia terram ad  
 navigandum, pelagus verò ad iter ha-  
 bendum deducitur. Sed quamdiu  
 hæc omnia? cum vitæ terminum at-  
 tigi, num forsitan excutere, aut so-  
 pite potuit conscientia remorsus, quos  
 tanto prius fastu suppressit? id enim  
 verò impossibile illi fuit, cum enim  
 infirmus decumberet, ingens animi  
 tristitia eum oppressit, summamque  
 circa se purpuratorum solitudinem  
 conspicatus, in hæc suspiria planctus-  
 que protulit: *nunc reminiscor*, inquit,  
 sed cuius reminisceris, Rex potentissi-  
 me, an fortitudinis tuæ, ac rerum ge-  
 starum gloriæ? minime? *Nunc remi-  
 niscor malorum, qua feci in Ierusalem.*  
 Sed importunum & molestum est,  
 o Rex tam tristitia ab infirmo cogita-  
 ri: quin lætiora cogitas, & amæ-  
 nioribus objectis animum levas: vi-  
 ditoriarum potiùs, & palmarum re-  
 cordare, quas triumphali manu mes-  
 sisti; Ægyptum cogita tibi tributa-  
 riam, Palestinam tuæ potestati man-  
 cipatam, Syriam domitam & sub-  
 jugatam: nonne tu es, qui eductis  
 in aciem eodem tempore quaternis  
 potentissimis exercitibus Asiam uni-  
 versam armorum, & armatorum hor-  
 rore inundasti, & terrore nominis tui  
 extremis Nili accolis leges posuisti?  
 Tua est Babylon, urbs illa & magni-  
 tudine, & miraculorum gloriâ forsi-  
 tan rotius mundi maxima; tua est An-  
 tiochia, tua est Susa; tua sunt; tot po-  
 pulorum, quos debellasti, ætaria;  
 tua sunt tanta gentium spolia, atque  
 trophæa, cur ergo horum memor non  
 exultas, non gaudes? Heu mihi, non

R. P. Segneri Quadragesimale.

possum: *Reminiscor malorum*: cum-  
 que miser intoleranda facinora à se  
 patrata singillatim enumeraret, violen-  
 tias nimirum, crudelitates, injustitias,  
 furta & rapinas, interna animi sui  
 tormenta his verbis explicavit:  
*Recessit somnus ab oculis meis, & con-  
 cidi, & corruï corde pra sollicitudine*  
*& dixi in corde meo: in quam tribulationem  
 deveni? & in quos fluctus  
 tristitia, in qua nunc sum, qui ju-  
 cundus eram, & dilectus in potestate  
 mea? Ecce omni in Deum fide de-  
 stitutus & perfidus homo, Rex in-  
 solentissimè superbus, omnisque ra-  
 tionis contemptor, cum morti vicinus  
 accederet, conscientia stimulos, &  
 Syndereseos latratum dissimulare non  
 potuit; quid ergo accidet Chri-  
 stianis? quid Orthodoxis, quales nos  
 sumus? Heu non tantum sacrilegia à  
 nobis perpetrata, verum & levissimæ  
 fraudes, & quodvis vel exiguum de-  
 lictum, formidanda nobis specie oc-  
 curret, & gelidum nobis sudorem  
 exprimet. Si quis æquor aspiciat,  
 dum leni malaciâ quiescit, tam lim-  
 pidum illud, tam transparentem & pu-  
 rum judicat, ut nullam in sinu suo im-  
 munditiam fovere crederet: verum  
 præstolamini tantisper, dum tempe-  
 state coortâ conturbetur, Superi  
 fæces eructat? quas sordes? quam  
 cloacam, cum algâ putridâ flu-  
 ctibus innatante turpitudinem suam  
 evomit? Ita omnino peccatoribus in  
 morte continget, ut testatur Job:  
*Anima eorum in tempestate morietur;*  
*tunc enimverò ad summam usque*  
*cordis superficiem alga prius profun-**

Qq dè

dè delitescens ascendet, idest mendacia, odia, fraudes, & doli omnes, superbia & fastus, omnisque turpitudine & obscœnitas, menti eorum obversabitur: quis tunc ipsis animus futurus sit, judicate. Heu miseri, in eo rerum articulo, non odio solùm sibi ipsis, sed & abominationi erunt: refert sacra pagina, Regem Saulem cum supremo illo ac infelici cum Philistæis prælio fufus, victusque fuisset, jacentem in via publica repertum fuisse, lethali vulnere, quod sibi ipsi desperabundus infixerat, sauciaturum; cumque mori, ut optabat, non posset, vidit juvenem Amalecitam, quem supplici voce rogavit; ut ultimam morti maturandæ manum admove-

2. Reg. 1. 9. extricandi: *Sta super me, & interfice me, quoniam tenent me angustia.*

Et quis tandem mihi dixerit, quænam hæ angustia fuerint? corporisne, an animi? an ab hominibus, an à dæmonibus excitata? Ut hoc innotescat, consulendus est cum Abulensi textus Hebræus, qui sæpenumero eximios sanè, selectissimosque sensus aperit; sciendum ergo, quod Hebræa Phras

Abulens. angustia, dicat, *tenent me ora vestimenti sacerdotalis.* Animo nimirum ejus, oculisque objecti videbantur omnes illi sacerdotes de Nobe, crudelissimè à Saule jugulati; hi atrocissimos in ejus animo dolores, & angustias suscitabant, & ultionem ac vindictam coram divino tribunali

clamabant: *Videbatur sibi Saul pro- pinquus morti videre sacerdotes domini, accusantes eum in judicio coram Domino.* Res, auditu non indigna, sic accidit: cum David exul persequentem Saulem fugeret, contigit, ut & famelicus, & viarum incommodis lassatus ad Abimelechum nobis Nobe magni nominis sacerdotem veniret, à quo benevolentia, & humanitate singulari exceptus, & victum, & arma, quibus carebat, liberaliter accepit: advertit hoc persequens quidam, è famulatio Saulis minister, cumque haud aliam artem magis sibi proficuum esse penes Principem, & timidum juxta & suspiciosum adverteret, quàm, omnibus quidem populis execrabilem, nec minùs tamen usitatam proditionem, rei totius ferriem ad Saulem continuo detulit. Quis explicet, in quas furias, & rabies Rex exarserit? illico Abimelechum ad se advocat, & adducto eum spercilio obliquè intuitus: Tu ergo, inquit, ille es, qui Davidem inimicum meum recipis? Quin gener iste tuus est, reponit promptissimè Abimelech; & quis in tota servorum regum corona fidelitate par Davidi? in pace sapiens est, formidandus in bello: Hoc enim verò à me Deus avertat, ut illum ad me accedentem è domo repellam! Recepi illum, fateor, ac certanum recipiam, quin domus mea tota omni officiorum, & obsequiorum genere illum cum ambitu venerabitur. Vah perfide, respondet Saul, ergo tu quoque in caput meum & Coronam conjurasti? pœnas mihi dabis Abimelech.

melech, & domus tua univerſa? Eja  
 agetum, moriantur actutum omnes,  
 moriantur! Eia milites! ſtricto ferro  
 infilite, ſacerdotes trucidate: *con-*  
*vertimini, & interficite Sacerdotes Do-*  
*mini.* Quis crederet? nec unus qui-  
 dem militum, viris ſacroſanctis auſus  
 eſt manum admovere. Converſus  
 ergo Saul ad ſervum Doëgum no-  
 mine, Ipfiffimum delatorem ac in-  
 dicem, ſolum illum regio juſſu ſub-  
 ſtituit, qui crudele mandatum omnium  
 ſacerdotum ſtrage exequeretur: nec  
 multis imperiis opus erat ſacrilego,  
 quin gloriæ ſibi ducens, delationem  
 ſuam tam felici ſucceſſu coronari,  
 etiam carnificem agere non detrecta-  
 vit: atque adeo Saul ad pedes ſuos  
 octoginta Sacerdotes impiè trucida-  
 tos collabi vidit. Ecce facti ſeriem,  
 jam ad proſtitutum redeamus: cum  
 ad mortis conſinia accederet, videre  
 ſibi videbatur Saul, ut Abulenſis ait,  
 iſtelligentes illos, ſacerdotali habitu in-  
 dotos, vulneribus lividos, & ſanguine  
 conſperſos, qui crudelem ſibi tyranni-  
 dem exprobrarent, atque animum jam-  
 jam abiturientem violenter retine-  
 rent, ut graviore doloris ſenſu more-  
 retur, & lentiret ſe mori: *Videbatur*  
*sibi Saul propinquus morti videre Sa-*  
*cerdotes Domini accuſantes eum in ju-*  
*diſio coram Domino.* idipſum, quod  
 Sauli iſtelligens accidit, Auditores, cun-  
 ctis peccatoribus evenit: O quæ nova  
 animis illorum ſcena aperietur, cum  
 in ſerali agone derelicti jacebunt!  
 Horrenda aliquibus ſpecie ſeſe ob-  
 jicient fraudati mercede mercenarii:  
 & pauperes in extrema neceſſitate de-

ſerti; aliis obverſabuntur juvenes,  
 eorum conſiliis flagitioſè ſeducti; aliis  
 virgines ignominioſè violatæ, inno-  
 centes calumniis oppreſſi, religioſi con-  
 temptui ac ludibrio habitæ, vos judica-  
 te, an non cum Saule exclamaturi ſint:  
*tenent me anguſtia!* clamabunt enim-  
 verò, quis dubitet? audite Chryſoſto-  
 mum: *Cum enim, inquit, ſemper nos*  
*ſtimulet peccatorum conſcientia, tum*  
*verò maximè illà horâ, cum hinc ſu-*  
*mus abducendi: tunc enim ſive quis*  
*rapuit, ſive fraudavit, ſive contumeliâ*  
*affecit, univerſus illie peccatorum cu-*  
*mulus renovatur, oculiſque exhibetur,*  
*mentemque ſtimulat.* Addit, eveni-  
 re illis, quod reis capitalibus in car-  
 cere & vinculis uſu venit: ſemper qui-  
 dem illi anxietate, & ſollicitudine  
 exæſtuant, ſed illa potiſſimum no-  
 cte, quæ rigidum examen antecedit,  
 cum enim die alterâ ſe nôrunt judici  
 ſiſtendos, ac quæſtioni & equuleo  
 ſubjiciendos, nec ad breve temporis  
 momentum quietem palpebris indul-  
 gere poſſunt, nilque aliud vident,  
 aut cogitant, quàm tribunal, tor-  
 tores, carnifices, funes, cataſtas, equu-  
 leos. Id ipſum teſte Chryſoſtomo,  
 id caſu noſtro uſu venit: *Quemadmo-*  
*dum iſi, qui tenentur in carcere, ſemper*  
*quidem deſecti ſunt, ac mærentes, ma-*  
*ximè tamen, ſub illum diem, quo ſunt*  
*educendi, & ad ipſas pertrahendi judi-*  
*cis fores; ſic & anima.* Teſtantur  
 in horrendæ illæ viſiones, quæ Chri-  
 ſtianos in extremo mortis articulo  
 conſtitutos terruiſſe leguntur: Clu-  
 niacenſis refert, aliquem videre ſibi  
 viſum duos leones, aperto & hianti

riū in se insilientes; alius fuit, qui ab immani urso sub mensa jacente dilaniandum se credidit, alius, qui à lupo, spondam lectuli circumeunte, in prædam se expectari censuit; alius demum, qui torrentem flammeum cubiculo suo illabi, illudque totum inundare arbitratus est. Novi quidem, hæc terriculamenta probis etiam non raro ad terrorem à dæmone objici, aut esse morborum effectus ac symptomata, quæ vi connaturali facultatem imaginatricem conturbant: verum plerumque sunt perturbatæ ex delictorum memoriâ mentis effectus; credunt enim tunc miseri, creaturas omnes, velut divinæ justitiæ ministras, & vindicandas Conditoris sui injurias adversus se armari. Quid ergo prodest, illa animi monstra, velut catenæ alligata, aliquandiu compescuisse, si in agone cum summa ferocia erumpant, & veluti diuturna fame irritata, facto impetu in nos insiliant? faciant peccatores, quod lubet; indulgeant genio; hilaria vivant, & inquietos animi fluctus dissimulent, seriùs aut citiùs, in vita vel in morte mentem mutabunt. Igitur si tam sollicitè & studiosè ab illis voluptatibus nobis temperamus, quæ morbos generare solent, ut sunt paralysis, convulsiones, scabies maligna, febres, & podagra; cur non & à peccatis abstinemus, ne illa animi tormenta subeamus, quæ omnium & Christianorum, & gentilium judicio sunt omnium gravissima?

VI. Cùm prudentissima Abigail offensa à marito suo Nabale Davidis

furorem mitigare vellet, preces, excusationes, & variarum rationum momenta admovit: sed quoddam omnium efficacissimum fuisse arbitravit? Audite, quid dixerit: *cùm fueris Dominus tibi Domino meo omnia, quæ locutus est bona de te, non erit tibi hoc in singultum Domino meo, quod ipse tu ultus fueris.* Video enim verò, dicebat illa, maritum meum omnis supplicii reum esse, tu verò, si pro tua clementia & humanitate veniam ei donaveris, nullam quoddam tristitiæ causam coram DEO habebis, quod vindictæ desiderio in mansuetudinem peccatoris: *non erit Tibi hoc in singultum.* Id ipsum vobis ingemino, Auditores, cùm tam benignas mihi aures præbueris; si vestrùm aliquis vindictæ studus est, si insidias struere incantæ cujusdam pudicitie machinatur, si turpe lucrum affectat, si DEUM porat offendere, contine te, contine inquam, Christiane! nec à pravitate sideris usque adeo te excæcari patere, ut omnem futurorum memoriâ deponas: *respice finem*; omnis enim, quam è flagitio captas, voluptas citissimè evanescet: *velut somnium stans non invenietur*, dicam cum Jobo; sed qui singultus, remorsus, & angustie succedent? quodsi verò DEI amore à peccato abstineas, quâ pace animi perfundèris? veniet, veniet, timida illa hora, *Dies finitionis*, ut cum Ecclesiasticus appellat, cùm finitis voluptatibus, lucris, gloriâ, coram divino conspectu nudus apparebis; quantum ibi solatii hauries, si mentis consilii obsecundaveris? *non erit tibi*

in *singultum* quòd opes & rem familiarem profanis usibus dilapidâris; *non erit tibi in singultum*, quòd familiæ incrementum injustis mediis quæsieris; *non erit tibi in singultum*, quòd ingenium cæteraque naturæ dotes malè collocaris; *non erit tibi in singultum*, quòd potentiâ tuâ ad scelestâ factâ abusis sis; *non erit tibi in singultum*, quòd valetudinem obcænis voluptatibus attriveris; *non erit tibi in singultum*, quòd ætatem & annos, ad salutis negotium curandum concessos, non dicam inutiliter, sed impiè consumpseris? Tum enimvero sermonis hujus recordaberis, ac DEO grates habebis immortales, quòd casu etiam fortuito aures illi præbueris, manibus in cælum sublatis gemes, plangesque, ac DEO millies benedices, qui te furore tam insano abripi non permisit, ut ad illum offendendum prolabereris. Heu, qua angustia, dices, cor meum affligeretur, dum nimum quantum in præsentiarum agnosco, O DEUS! quid sit injuriam summæ majestati intulisse? Tu Deus meus, tu fuisti solus, qui manum mihi adjutricem porrexisti, *posuisti super me manum tuam*; O favorem! O gratiam! & quando tandem grato eam animo condignè remunerabor? sic, certè loquemini; & utinam eundem in modum universi vobiscum! scio tamen perbene, non omnes, ut David fecit, Abigaëlis consilio parituros, cum falsò existiment, se mendaci illâ, quâ modò gaudent, tranquillitate semper fruituros: relinquamus eos in duritia cordis sui; tandem enim, cum vos in ultimo illo rerum

articulo exultabitis, eorum societati aggregati, de quibus scriptum est: *non tanget illos tormentum mortis*; id unum ipsis reliquum erit, ut amarum singultiant, & frustra ingemiscant.

## P A R S A L T E R A.

VII. **N**ON me later, quid ex eo; quod hæcenus præcipuè ad calcem Orationis disserui, peccatores subtiliter & ingeniosè, ut ipsi putant, illaturi sint: illum nimirum remorsum, quem in mortis articulo experientur, tranquillitatem non tantum non turbare, sed plurimum augere; hinc enim eveniet, ut ex vehementiâ remorsûs majorem antea vitæ horrorem concipiant, & sic facilius ac certius salventur. Verùm, mihi credite, ingens & periculosa est hæc deceptio: an enim graviores conscientiæ stimuli cogitari possunt, quàm quos antea memorati Reges Saul & Antiochus experti sunt? num tamen idcirco eorum aliquis conversus est? Minime sanè; sed uterque, ex communi SS. Patrum sensu damnatus est. Sed nunquid sceda scelerum suorum species, vivis depicta coloribus, eorum menti objecta est? nunquid gravissimum inde dolorem, & animi tormentum sensere? omnino, atque ita quidem, ut in desperationem adducti sint; tantum enim, tamque grande malum eis videbatur peccatum, ut illis veniam se consequi posse desperaverint. Quid ergo mihi porro objicitis? creditisne etiamnum, extremos conscientiæ stimulos faciliorem vobis salutis semitam facturos? nequaquam, sed faciliorem duntaxat desperationem,

nem. Nolite etiam consuetam vobis in DEI bonitate fiduciam, aut rectius loquendo, temerariam præsumptionem jactare, quæ idemidem ingeminatis, infinitam esse DEI misericordiam, vosque Eidem adeo confidere, ut illi velut matris brachiis tutò indormire, ac consopiri possitis: ne, inquam, hanc mihi fiduciam jactate; illa enim ipsissima faciet, ut in mortis articulo de Divina bonitate penitus desperetis. Neque hoc insolitum vobis, aut à veritate alienum videatur; qui enim studiis, navigationi, musicæ, equestri exercitationi, picturæ, aut armis tractandis assuescunt, ipso usu longoque exercitio habitum sibi & facilitatem comparant, in nostro autem proposito contrarium contingit, quicumque enim Divinæ, dum vixit, Clementiæ temerè innititur, in mortis periculo eidem gravissimè diffidit. Non cupio, ut mihi credatis, sed D. Xaverio; an enim hanc viro tanto, & Apostolico quidem negabitis, qui ingenti animarum zelo utrumque mundi Hemisphærium complexus, vitam totam in peccatorum omnis generis, sexûs, ætatis, conditionis, ordinis, & nationis conversione impendit? Hic, cum ex Indiis ad socios Romæ degentes litteras daret, disertè affirmat, se longâ, qua moribundis astitit, experienciâ didicisse, neminem in morte difficilius adduci, ut suam in divina bonitate fiduciam collocet, quàm qui, dum viverent, de eadem noxiè præsumebant: *visitabam, inquit, egrotos, & morientes confirmabam, ut aquo fidentique animo è vita*

*discederent, quod quidem longè difficilissimum est iis, qui divinis legibus nimè paraverunt, quippe (montem adverte ad id, quod subjungit) quippe hoc minore divina clementia spe, ac fiducia moriuntur, quò majore ante mortem in sceleribus, & flagitiis volabantur. An quidquam explicatius in rem nostram dici potest? nec quicquam ergo, summoque vestro damno gradem illam fiduciam, quam nunc experimini, morituri vobis promittatis, tunc enim tanto minorem habebitis, quanto majorem in præsentiarum præcæstatis. Si rationem poscitis, heu illam in promptu ideo modò de divina misericordia adeo præsumitis, quia comparum gravitatem non satis æstimatis, sed velut puerorum crepundia periculum & jocum contemnitis; in morte verò rei hujus momentum, peccati sceditas, & illatæ DEO injuriæ gravitas palàm apparebit: quid mirum ergo, si veniam, quæ vobis modò tantæ facilis apparet, vos obtenturos desperetis? *Circumdederunt me dolores mortis, verba sunt Davidis peccatorum moribundum repræsentantis, circumdederunt me dolores mortis, & quò inde? torrentes iniquitatis conturbarunt me. Intellexistis? Edicite modò quanti nunc peccatum faciatis; non quid instar calicis aquæ frigidae? habemus quasi aquam iniquitatem. Atque talis etiam moriturus apparebit id negat David, & pernegat: tunc enim torrentis instar impetuosi se menti infundet, qui confusà strage omnia miscet, & violento impetu incurre viatores abripit.**

VIII. Dæmones ipsi omni arte & industria collaborabunt, ut scelerum vestrorum magnitudinem summè amplificent, quæ modò levissima esse mentiuntur. Verùm quid dico, Dæmones? Christus, Christus ipse vestram vobis ingratitude, sanguini suo tam injuriosam, exprobrabit: quam ergo in eo fiduciam collocabitis, quem probè scitis, rationem exactissimam penitendum, non dicam de detractio- nibus, maledicentiis, blasphemis, & injuriis, sed de omni verbo otioso? Ille tunc vobis in Cruce nudus, vulneratus, lividus & perfusus sanguine apparebit, stipatus utrinque angelis, terrorem ac formidinem spirantibus, qui manu volumen ingens flagitiorum vestrorum tenebunt, claraque voce vobis exprobrabunt horrendis verbis Regii Plauti: *hac fecisti, & tacui!* Tu enim vero à tenera ætate, & primis unguiculis, non tam nôsse me, quàm offendere capisti; didicisti nomen meum, ut blasphemares, & legem meam, ut conculcaves: *& tacui.* Infami- pelsumorum hominum consortio te adjunxisti, quibuscum in omnium scelerum sentinâ te voluisti, eorum doctrinam, sensum, exempla & mores induisti: *& tacui.* Tempia & Basilicas fugisti; conventicula, & malorum cœtus frequentasti: Sacra Lyturgiâ ac divinis officiis neglectis, tabernas & symposia accelsisti; spretis divinis Sacramentis ventri & crapulis lirâsti; sermones sacros nauscâsti, pro pudiosa sensuum, & oculorum irritamenta sectatus es: *hac fecisti, & tacui.* Postquam ætatem vitilem atti-

gisti, nullo habito vel sexûs, vel gradûs, vel conditionis respectu, effrenatis desideriis & affectibus tuis servivisti: *& tacui;* pessimis morum vitæque exemplis filios educâsti, divini timoris, & Christianæ disciplinæ, ac rerum sacrarum expertes: *& tacui.* Ex amoribus lascivis præceps ivisti in odia & vindictas, inimicis & æmulis irreconciliabilis, illos odio plusquàm Vatiniano persecutus es; tradidisti eos in mortem, effuso eorum sanguine colutulatus: *& tacui.* In senio pecunias velut Idolum adorâsti; has iniquis injustisque mediis corrasisti; fidem datam infregisti; justitiam contamina- sti: *& tacui.* Es alienum non expunxisti; in aliorum damnum iniquissimè egisti; in favorem alterius infamia patrare facinora non erubivisti; festos dies non celebrâsti, Oratoria & cœtus sacros non frequentâsti, sacræ orationi non vacâsti, conscientiæ & animæ curam non habuisti: *hac fecisti, & tacui.* Existimasti iniquè, quod ero tui similis, cumque delicta tua tacite dissimularem, semper me taciturnum credidisti: jam verò *ut parturiens loquar,* cumque Sanguinem meum vilissimi instar luti tam protervè proculcaveris, ille ipse te modò damnabit, qui in tuam salutem effusus est. Hæc enim verò Christus loquetur, quodque pluribus in mortis articulo fecisse scribitur, immersâ forsan in latus manu pretiosissimum suum Cruorem in faciem vestram excutiet, & habe tibi, dicet, sanguinem istum, cedatque in perniciem tuam, qui vitam tibi afferre debuerat. Postquam

quam Christus tuis se oculis subducat, formidanda dæmonum caterva in te infiliat, idque unum aget, ut infelicem tuam animam, obscæni corporis ergastulo solutam excipiant, & ad inferos secum deducant. Credisne ergo, te tantas inter angustias de Divina clementia bene speraturum: O stolidum & fatuum, qui id sibi promittere audeat! videtis igitur, ut ad propositum redeam, ferales illos, quos in mortis articulo experiemur, conscientia stimulos minimè nobis profuturos, ut salutem faciliùs consequamur, sed ut in angustias majores redacti, vehementius affligamur; & in desperationis barathrum præcipitemur.

IX. Hæc cum ita sint, & tempus etiamnum ac mora suppetat, quid porro faciendum superest? quàm pænitentia, pænitentia! iterum repeto, pænitentia! Hæc teste Gentium Apostolo, animo nostro perfectam quic-

tem plenamque tranquillitatem conciliabit, ut tranquillam vitam agamus in omni pietate; reliquæ omnes industria irritæ sunt & frustraneæ. Quis ergo porro juvat, nugis jocique liberalibus, ludisque ac ludicris sese immergere? quid juvat, tantâ morosâ dissolutione, novis in dies animi relaxationibus, comædiis, symposiis, conviviis, & choreis vacare? quamdiu acutissima læthalis noxa spina animo inhæret, omnia explenda & malagmata foris admota nec bilis proderunt; spina extrahenda est, intellexistis? spina extrahenda est, & infixa diu relinquitur, interiora penetrabit, vobisque adeo tenaciter adheret, ut omni retrò sæculorum & otatum æternitate, frustra inter acutissimos dolores gemere, furere & excommare cogamini: *conversus sum absque fine & termino, in autumnâ meâ, & configitur spina.*

## SERMO VIGESIMUS QUINTUS.

DIE MERCURII POST QUARTAM DOMINICAM.

*Responderunt parentes ejus, & dixerunt: scimus, quia hic est Filius noster, & quia cæcus natus est; quomodo autem nunc videat, aut quis ejus aperuit oculos, nos nescimus. Ioan. 9.*